

佛说六字咒王经 1 卷

No. 1044 [No. 1045, cf. No. 1043]

佛说六字咒王经

失译人名今附东晋录

如是我闻。一时佛在舍卫国祇陀林中。尔时有一外道栴陀罗女。厌惑尊者阿难实时如来见阿难恍惚。为说六字咒王经。先佛所说我今亦说。即说咒曰。

安陀隶 般陀隶 迦罗知 趺由隶 帝阁婆帝 频头婆帝 陀头隶 陀帝隶 陀究摩帝 修摩帝 安陀逻般陀逻 檀陀罗提兜罗 阿那延陀慢陀婆帝 阿那阿那夜摩头摩婆帝 迦罗咤 趺由逻 浮登伽弥帝 阁婆帝 频头摩帝 阿罗婆 伽婆帝 毘咤 毘提膩 至咤 毘提膩 悉波呵

若有为某甲作恶咒诅。若作已若当作。若天若龙。若夜叉若罗刹。若饿鬼若鸠盘荼。若富多那若毘舍阁。若阿婆摩罗若吉遮。若佉欧陀若毘陀罗。若半毘陀罗若半毘陀罗女。若沙门若婆罗门。若刹利。若毘舍若首陀。若摩登伽若摩登伽女。若栴陀罗若栴陀罗女。若奴若婢。若男若女。若外道出家男女。如是等种种悉能咒诅厌蛊。我今以此六字咒王经。若上向作上向灭之。若下向作下向灭之。若地上作地上灭之。若壁著作壁着灭之。若柱边作柱边灭之。若城内作城内灭之。若城门中作城门中灭之。若宫内作宫内灭之。若宫门中作宫门中灭之。若道中作道中灭之。若四衢道中作四衢道中灭之。若婆罗门作悉皆灭之。若水中作水中灭之。若水边作水边灭之。若河边作河边灭之。若家中作家中灭之。若树边作树边灭之。若树根下作树根下灭之。若火中作火中灭之。若火炉中作火炉中灭之。若井灶边作井灶边灭之。若碓磨边作碓磨边灭之。若冢边作冢边灭之。若床敷间作床敷间灭之。若衣被服饰中作悉皆灭之。若夜作夜灭之。若昼作昼灭之。若昼夜常作悉皆灭之。此咒能断绝帝释咒道。能断绝梵天咒道。能断绝四天咒道。及与一切所有邪鬼咒道方术悉皆能断。若有为某甲作厌蛊咒诅。及与毒药悉皆灭之。若佉欧陀若毘陀罗。若吉遮若富多那所为悉皆灭之。众恶都尽众善补处。愿此咒常吉。以此真实章句。使某甲昼安夜安昼夜常安得寿百岁得见百秋。何以故世间最

上无过于佛。人天所敬众鬼敬奉。若有行恶呪道。若作已若当作若中间作。若成就若未成就悉皆灭之。及一切众毒能害人者。此六字呪王经皆消灭之。即说呪曰。

佉智 佉注 佉毘智 緘寿緘寿 多智婆智

若为某甲作恶呪诅。若作已若当作。若天若龙。若夜叉若罗刹。及与一切能作恶呪诅者悉皆灭之。若佉欧陀罗若毘陀罗。若富多那所为悉皆灭之。众恶都尽众善补处。愿此呪常吉。以此真实章句使某甲昼安夜安昼夜常安得寿百岁得见百秋。何以故世间上法无过佛法。人天所敬众鬼奉受离欲无着。即说呪曰。

佉智 佉注 佉毘智 緘寿緘寿 多智婆智

何以故僧是世间最上福田。人天所敬众鬼守护。即说呪曰。

佉智 佉注 佉毘智 緘寿緘寿 多智婆智 兴帝 阿祢帝 阿周帝

若有为某甲作恶呪诅。若和合毒药皆悉灭之。即说呪曰。

摩休婆 乌摩帝 乌摩陀 蕤陀祢 佉欧陀 波提蕤陀祢 频头摩提 至帝至多波提蕤陀祢 阿溁梅陀溁 呵呵遮利呵呵那弥 呵呵浮摩提 呵呵浮陀尼劬沙呵呵尼呵陀 佉欧陀 尼毘沙 佉欧陀伊祢弥祢 陀陀弊莎诃

若有人读持此六字大呪王经。假使呪枯树可得还生枝叶。何况人身。使某甲得寿百岁得见百秋。诸佛所说阿难所传。若人读诵通利。悉皆自护众恶不着身。若呪他者能除彼患。诵者断五辛至心鲜洁。然后乃能行之南无观世音菩萨摩訶萨。礼彼大士然后说此神呪。愿此神呪常吉。观世音照我身观我身怜愍我故。即说呪曰。

乌呵尼 须呵尼 阿陀尼呵陀阍毘尼 耽毘尼 安陀隶 般陀隶 斯界提 般陀逻波斯尼 萨陆头率 咤婆啰豆率 咤质耽 阍婆夜 耽呵夜 须呵夜 尼婆罗夜耶婆某罗提 那某遮提 卢娄至咤 般陀死 卢娄卢 漏至咤 般陀死 悉波呵和酰利知 利收利 摩登耆 梅陀利罗叉罗叉罗耶 悉波呵

此呪护一切厄。鲜净无垢解脱。光明观照缚一切贼。迷荒一切恶护身缚贼。虎狼师子狂象及豺悉皆被缚。我某甲及共行同伴。一切呪力所向之处愿当平吉。南无观世音菩萨。愿此呪大吉。用此呪法当持之日。不食五辛净洁洗浴。不得行淫不得饮酒噉肉。以白迭縲手捉诵呪七遍一遍一结。若有官事被

言。若鬪诤若呪诅。及一切恶皆能灭之。呪讫此縋系着其人衣带头过事主自解之。

南无过去未来现在三世诸佛。南无文殊师利普贤弥勒一切诸大菩萨。归依如是等菩萨摩訶萨众。然后说此大神陀罗尼呪。即说呪曰。

酰豆摩帝 耶舍婆帝 婆罗沙天婆帝 乌受婆帝 鬱多罗尼 阿叉夜婆帝 阿[少/兔]臙帝 目 阍婆罗婆目帝 波罗婆只豆悉波帝 迦罗尼伽帝 波毘耶舍首罗婆隶陀提[少/兔]提散陀波提 鬱多罗尼 舍陀目佉 舍陀波罗毘舍 臙陀迦梨舍 婆萨那婆伽帝 究舍罗婆娑尼 阿[少/兔]散帝 毘散帝 知帝阿知帝 汤那伽帝 阿汤那伽帝 阿婆娑帝 呵舍波罗祢 婆罗祢目隶 牟罗牟罗婆陀祢 舍尼波罗陆 须利婆帝 殊帝波罗陆 须毘摩隶 庵摩隶

此呪除一切闇。如来所持诸天敬爱。众神拥护梵天所解。帝释敬奉护世守护。决了众圣诸仙受持。和合众性解脱诸缚。一切诸天及人。断诸烦恼降诸魔怨。伏诸外道摧伏众论。及诸憍慢过诸法师。不舍大众悦诸学法。守护法藏利益三宝。慈哀一切众生之类。庄严众义有如是利。是名无尽藏陀罗尼非护能护。若有读诵者。得三十三无隶畏难。用此呪法晨起澡手漱口。烧香礼拜三遍。读诵所行之处言语谈说。一切向处无常不胜众人。贵敬见者欢喜怨家降伏。有如是利益。

## 佛说六字呪王经

---

【经文信息】大正藏第 20 册 No. 1044 佛说六字咒王经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】

---